

56
DEO OPTIMO MAXIMO
UNI ET TRINO, 112.

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA,
QUOD LIBETARIIS DISPUTATIONIBUS
manè discutienda in Scholis Medicorum, die Jovis decimâ-nonâ
mensis Decembris, anno Domini M. DCC. LXXI.

M. MARTINO NOUGUEZ, Doctore Medico, Præfide.

An chronicos morbos perverso aquæ usu debellare periculosum?

I.



RÆSTANTIORES & eximias aquæ vires ab omni ævo salubris usus internus & externus abundè comprobavit. Ulterius aquæ encomium foret jamdudum fusiùs actum agere. Non ita supervacaneum videtur causas sistere & modos, quibus infautos aqua pariat effectus, cum re optimâ frequenter abuti non vereatur. Nemo nos in aquam odii arguat, qui ad dilectissimi parentis nutum & exemplum potùs liberalis, victùs temperantis & diluentis utilitatem & necessitatem in plurimo hydropè inconcussis argumentis, felici & multiplici experimento stabilivimus & confirmavimus. Quis autem institutionibus Medicis decenter informatus ad morbi genus debellandum semper uni & eidem praxeos modo fidebit? Imperitiam, & præconceptam hypothésin æquè manifestant ambo, qui non nisi stridum, exsiccationes & corneas indurationes, aut qui perpetuò & ubique laxum, attenuationes, atoniam sibi læsionum principia effingunt. Hicce systematum commentis alexæ plena agitur Medicina. Sic fortuitò quid. in aliquorum imbecillitas levatur, necessariò autem contingit, ut asclepiadei illius irrationalia consilia, cujus ritus & usus est humectare & inundare, aut stimulare & incalfacere perfidâ sorte expectant ægri, quorum salus contraria exposcit. Sic sæpissimè dolemus ægros non sanabiles nisi methodo veræ theoriæ innixâ, certis indicationibus sagaciter accomodatâ, procaci pseudo-medicorum phantasmate hallucinari, illusorio & fatali eventu enecari. Quam absolum sit aquam & aquosa vaporosis affectibus universalem & solam panaceam jactitare, evictè elucescit ex notionibus fabricæ humanæ, ex infinitâ diversitate causarum, quæ morbos nervosos generant & alunt, ex perpetuis magnorum in arte virorum observatis, quibus certò constat evacuantibus, venæsectionibus, stimulantibus, amaris, balsamicis, aromaticis, halituosis, hypnoticis, vino generoso, carnibus frigide commestis, equitatione, peregrinatione, veneris usu, abstinentiâ, objectorum & consuetudinis mutatione vaporosas affectiones utriusque sexus percuratas fuisse. His suppetiis abstineat, qui nescit uti, ineptiæ autem suæ non est conscius, qui insinuare & inculcare non erubescit horrorem laudatorum medicaminum, quibus ab Hippocrate ad vaporosos affectus leniendos & persanandos felicissimè usi sunt & nunc perspicacissimi practici utuntur. Hujuscemodi elamitationibus immorari vetat ipsa illarum fatuitas. Nostrium sit tradere monita quædam utrique sexui communia, ut dum dubias & lethales inversi & perversi aquæ usus noxas noverit, moriæ vertiginosæ, & transitorie inconsultò non obtemperet, sed sibi cautus caveat.

Simplicitas, exilitas, penetrabilitas, fluiditas, humiditas, aquæ vires medicas constituunt. Secundum has qualitates in organa & in animale m congeriem sanam, morbosam & morbose generatam aqua varios & contrarios exerit effectus. Ut ordo sit brevis, nec obscurus, exponere morborum diagnosin primò jubet in quibus aqua tanquam insufficiens, illorum diuturnitatem protrahit, secundò in quibus noxia, & tertio denique in quibus omninò periculosa & lethalis observatur.

INTENSÆ corporis defatigationes & victus exsiccans cum diuturnis animi mœroribus causas parant & foveant, quibus eretismi cum incommodæ ariditatis sensu conjunctio præter lim idum urinæ fluxum potui adæquatam cæterarum excretionum organa quasi asperâ tenacitate præcludit, insuper miseros spasmi, depravata imaginatio & insomnia vexant. Plures etiam vidimus, qui per hebdomadas, per mensem decoctorum vilulorum, gallinaceorum, seri lactis, aut aliarum ptylannarum dilutionum quotidie libras X ad XV. hauriebant, sic itidem de die bis & quolibet vice per trihorium & ultra balneis tepidis vel frigidis infidebant absque ullo levamine, quoniam imò cuncta præsertim post balneum frigidum exasperabantur. Prudenti consilio tandem exhibebatur laudanum, cujus beneficio per paucas horas somno indulgere licebat; ægri expergefacti aliqualem eretismi remissionem animadvertabant, propinabantur decocta mæriora, insimul ingerebantur enemata ex emollientibus, degluiebant serò & postridie laudanum: tertiâ nocte post illius usum transpiratio ad madorem aucta inlequebatur placidum & amicabilem somnum. Urina non adeò frequens cùm æneoremate & excretionem per alvum, nares & spora futuræ valetudinis auspiciis confirmabant. In tali morbo balnea & decocta dilutiora nullo modo prostant, nec mirum exquisitus hic nervorum rigor oritur & protrahitur ab interna & idiopathici cerebri affectione, quam levare & tollere non possunt, nisi ea medicamina, quorum actio specifica læsionis sedem feliciter attingere & ejus causam inhibere & amovere valent.

III.

UT in æternum nec minimus quidem sensationis modus sine actuali tensionis gradu obtinere poterit, sic nemo distinebitur unquam, quod omnis affectio vaporosa a tensione efficiatur. Quævisque autem sacrâ hac suâ anchorâ abutantur undosi portus & totius sempiterni concinatoris manifestant multifaria & contraria, quæ tenorem efficiunt, siquidem omne nimium ad motus spasticos prædisponat, illos generet & producat, & inde pro causarum varietate & combinatione symptomatum diversitas & anomalia modificetur: veluti enim causæ conjunctæ vehementius & intensius agunt, sic causæ contrariæ dum diversa organa obsident peculiare & proportionem excitant typos & insulsus: nec aliter febris ingens corpus exagitat, cujus ponderis sustinendo impar est membrorum vis prostrata, nec aliter fiunt metastases, nec aliter alteri organo cerebrum imperat, aut alterius furor cerebrum obruit. Quod etiam unius organi pars quæ am possit esse stricta nimis, altera dum passivè langueat, imprimis confirmant tubi intestinalis & telæ cellulosæ affectiones, nec clinicos later, quod eò magis ingravescat medendi labor quò propius causæ contrariæ in eodem organo vicinantur & deteriores stricti & laxi confusionis effectus produunt. Præterea hic omnino meretur considerationem variis vasorum ordo, qui ad organorum fabricam concurrunt, & insimul diversa crasis humorum, qui in istis organis secundum vel citrà statum naturalem hospitantur. Jam quis causas omnes & modos enumerabit, quibus vaporosa tensio in actum duci potest. Dum in statu sano omnia sibi æquilibrium, quæcumque organi actionem propriam aut relativam perturbando motuum irreularitatem efficiunt, ea simul vaporosos effectus provocare valent. Hinc quilibet rerum non naturalium abusus, plethora, anæmia, dyscrasia, venena intus genita, rarefactiones & expansiones in utroque sexu nervosos morbos excitare & promovere queunt. Non mirum igitur dum affectio vaporosa non nisi gradu & intensione motuum a cæteris morbis discrepat, quod cum illis ob proximam affinitatem tam sæpius indicibili affectuum & symptomatum apparatu complicata secundet. Porro æquè ac ad tollendum alium morbum requiritur, nonne ut vaporosa affectio sanari possit, necesse est, ut ejus causa amoveatur? Frequentioribus exemplis rem illustrare sufficit. Vasorum distensio, minorum compressio, motuum circulatoriorum lentior & inæqualitas à sincerâ plethorâ pendet. Hi plethoræ effectus diù non permanent, quin aut morbo acuto excipiantur, aut eà incommodi sensatione, quæ ad nihil definitum referri solet. Stans hic est incipiens affectio vaporosa, quæ nisi plethora minuatur passim in chronicas & intricatas mali omnis læsiones degenerat. Sic à repletionem ierosâ, ab inertia, à pituitâ frigida vasa & fibræ ita valent affici, ut vaporosæ tensionis gradum adæquent. Priores nervoios effectus pariunt, nam quæ es & victus lautus, posteriores sequuntur exercitium vires superans, potum aquosum & alimonie penuriam. Absurdumne centeretur duobus his affectibus vaporosis uni & eidem methodo medendi tentamen? Dum unus virium deficientium restau rationem postulat, & alter ut excessus ad debitam imminutionem auferatur, quem ulimum

scopum methodus nulla nisi dubiè, anxie & periculose attinget, quin à sanguinis missione infirmum faciat. Ut autem non agamus nisi de infausito aquæ abusu, quæ potu, balneo, clystere ingeritur, penetrat vasa, vel non: si posterius nimis consistentiæ & cohæsioni humorum mederi non potest, si prius liquorem molem & vaporum distractionem auget, & inde semper exasperationem abservare datur. Aqua quæ in vasa irreperit aut ex illis immutata ablegatur aut miscetur cum humoribus: si separatur, præter paroximos nullum alium affectum præstat: si humoribus immixta remanet, morbum ob majus volumen jam auget, & dein ob subsequentes mixtionis effectus ulterius augebit & multiplicabit: extrema enim repletio & ingurgitatio undique motum circulatorum infringit, & quasi suslamminat. Tunc ob motus intestini accelerationem, vel dum ob quietem in indolem spontaneam vergunt humores, quoquo modo ægrè alterantur; corruptionem hanc depurare & eliminare incumbit, pro nistis exiguitate, & exiguum erit aut sæpius nullum succedet levamen. Affluentis depurationis motus criticos undè tormenta quidem, sed non absque tumultu & periculo excitare & promovère valent: etenim nisi materia turgescens congruo modo & tempore secernatur & ejiciatur, sub tantâ toni & motuum infuetorum ataxiâ humorum perversio & provecta coinquinatio pejora dabit, & eo citius, quo debilior fiet vasorum elasticitas pro majori suâ tensione. Subsequente demum & ineluctabili functionum languore vires exhauriuntur, chronicarum affectionum miseriam sobolescunt & altiores radices agunt. Ex sinistrâ hac effectuum serie viderè est, quod dum in generali tensione a turgescentiâ humorum nimis laudabilem aquæ usus intempestivus, unicus & simplex noceat, noceat itidem aqua usu indecenti & protervo in stricti & laxi complicatione, in discrasia, indeluescentiâ veneni intus geniti, in languore post toleratos morbos, &c. &c. Hæc usus aquæ non levis æstimetur momenti, *morborum enim plurimi aquâ sunt, horum plurimi tolluntur aquâ, sanatio felicissima perficitur aquâ*, & quidem ubi sincera plethora debitâ sanguinis missione ablata est, ubi depletionem vasorum oscillatio insequitur, non nisi aquæ beneficâ mixtione spissi humores diluuntur, tum ad materiæ heterogeneæ secretionem & excretionem motus critici expeditiore negotio peraguntur, aliorumve remedium, quæ indicantur effectus feliciter succedunt. Simplicis aquæ potu & balneo sæpius absolvitur curatio vaporosæ tentationis, quæ fit ut aiunt sine materiâ. Aquam Medici omnino necessariam commendant in confusi- ne stricti & laxi & in variâ discrasia, ut inde ex composito simplex per atoniam morbus evaerit, & eo collimat Celsi consilium, *sed est circumspici quoque hominis novare interdum & augetur morbum*. Verè quidem sagacitate & prudentiâ opus est in curatione morbi absque renovatione & augmento non sanabilis, dum sub hac mutatione nisi artis auxilia & perugia iusta dosi ordine & tempore adhibeantur ingravescentes læsio remedium vim eludit & lethalis hora sæpius anticipatur.

I V.

NON minores cautelas requirit applicatio frigidæ aut glaciæ. Felicissimos equidem & citissimos præstitit effectus, in expansione, in rarefactione, in inflammatione & tetano, sed & experimentum fatale pessimos pandidit effectus. E diversa causâ & vario morbi gradu tantum oritur actionis discrimen. Ubi causa pendet ab excessu frigoris aut caloris glacialis aqua prodesse videtur, sic in regionibus Meridionalibus & Septentrionalibus consultioris & frequentioris usus est ac in tractibus temperatioribus. Profuat iterum in inflammatione modo tamen partes fluidiores non nimis dislatæ fuerint, alioquin ob motum subitè auctum inflammatio transibit in repentinam gangrenam aut in sphacelum. Hæc testantur observata. Aquæ glacialis & glaciæ actio medica digna est disquisitione, cui vires nostras impares fatemur. Sufficit nunc animadvertere, quod utraque non agat ut aqua, sed velut corpus caloris experts ac ferè materiâ igneâ orbatum (a). Exilitate, pondere, fluiditate irrepens & humiditate adhærens aqua delitescens evolvit materiem, pro cuius indole pericula insurgunt, etenim sine noxâ latent interdum venena, quæ sub evolutione suâ prorsus indomita in vasa irruunt, illa erodunt, & cum illis vitales functiones destruunt. In Skirrho omnis motus auctus periculosus est, sic etiam nimis pertinax & uberior aquæ usus lethalis fit, *aqua enim se insinuat in poros corporum*, resolutâ materie poros obstruente, hinc pondus auget & molem, hinc extensio, crispatio, dolor, vasis ruptura, suppuratio, gangrena. *Mirifici sunt & stupendi effectus ab aquâ se insinuante intra corpora prius sicca, hinc quaquâ versum intumescencia, sicque expandendo facientia sæpe mutationes incredibiles*. Mirificos in induratione coactâ aquæ effectus tam decantatos quanti nunc æstimabimus?

SUB tot larvarum speciebus sanitati, vitæ & nummis insidiatur, quot variae generis humani Scelasses decipi possunt. Qui verò fiat, ut etiam *ad morbum cognoscendum* inepti, interdum tamen sufficient *ad sanandum*, obiter exponere liceat. Nullus morbus nisi mutatione levatur & tollitur, ut enim pertinax quilibet usum mutationem ferius ociùs inferre valet, sic omnis ætas empiricos, qui ob imperitiam non nisi unicâ methodo, aut astutos veteratores obtulit, qui singularitatis & famæ capeffendæ causâ mutationes in ægris sollicitabant mediis, quæ praxeos Medicæ regulis experientiâ & ratione suffultis planè refragantur. Quàm sit horrendum & detestabile tale nefas, judicare est ex illorum operibus, qui tam temerè de corio humano ludunt. Dubio procul ex fraudulosa hac turbâ excludimus, qui prodierunt & abiere systematis undosi præcones. Si fallunt, falluntur, fallunt inscii & generosè, si quidem excelsi est animi gratitudinis stimulo percelli, gratè acceptas Nayadarum favores promulgant, interim Nayadas Æsculapius inculandas censet, eo quod famulos suos non ita temperavere, quin eorum scripta vesaniæ indicium prodant (a). Viri sagaces dum media ad levandos & sanandos morbos tradunt, docent simul, quæ circa eorum usum observanda & vitanda occurrunt, ne ad incolumitatem & reintegrationem commendata usu intempestivo læderent & interficerent. Sic Boerrhaavius æquus rerum æstimator dum aquam principium vitæ & sanitatis celebrat, hæc subjungit monita, *conservatio & putrefactio ab aquâ, morborum plurimi aquâ fiunt, mors ipsæ aquâ sæpè tribuenda venit*. Ideò dum vaporosus uterque sexus ad credulitatem proclivis inanibus fabularum narrationibus frequenter decipitur, medicorum est argumenta & observata impertire, ex quibus facilis & in victa conclusio deducatur:

Ergò chronicos morbos perverso aquæ usu debellare periculosum.

(a) Consul, Vertus Médicinales de l'eau commune, ou Recueil des meilleures Pièces qui ont été écrites sur cette matière. Traité des Vertus Médicinales de l'eau commune par M. Schmitt. Le grand Febrifuge par M. Hancock. Extraits de plusieurs Lettres écrites de Malthe en 1724 sur le Remede de l'eau à la glace. Réflexions sur les Lettres precedentes au sujet de l'eau à la glace.

DOMINI DOCTORES DISPUTATURI.

M. Petrus-Abrahamus PAJON DE MONCETS, Eques, Aca-
demie Regiæ Catalaunensës So-
cius.

M. Simon-Antonius BRIN-
GAUD.

M. Franciscus THIERY, Re-
gis à salubri Consilio, Regii
Medicorum Collegii Nanceii So-
cius honorarius, Regiæque eus-
dem civitatis Scientiarum &
humaniorum Literarum Aca-
demie, necnon Biterrensis.

M. Claudius-Thomas-Guillé-
mus GUILBERT DE PRÉVAL,
rei Herbariæ Professor, Cristi-
ani VII. Daniæ & Norvegiæ
Regis Consiliarius Medicus, à
Medicis Consilius, necnon Re-
rum Medicarum à Relatione.

M. Claudius-Josephus GENTIL,
Militarium Nosocomiorum ad
Regis exercitum Medicus,

M. Ludovicus-Joannes-Baptista
COSNIER,

M. Jacobus GOURLEZ DE LA
MOTTE.

M. Edmundus-Thomas MO-
REAU.

M. Petrus-Augustinus ADET.

Proponebat Parisiis PHILIPPUS-ALEXANDER BACHER, Thannensis Alfata,
Saluberrimæ Facultatis Medicinæ Parisiensis Baccalaureus, Theos Author,

A. R. S. H. 1771. A. SEXTA AD MERIDIEM.